



1. Ris
2. Ris
3. Ris
4. Ris
5. Ris
6. Ris
7. Ris
8. Ris
9. Ris
10. Ris
11. Ris
12. Ris
13. Ris
14. Ris
15. Ris
16. Ris
17. Ris



Ἐὐν Θεῶν.
DISSERTATIO MEDICA INAUGURALIS
DE

O V O, //
SEU
PASSIONE GALEATA,
CEPHALÆ SPECIE.

QUAM
AUSPICE ARCHIATRO SUMMO,
AUCTORITATE ET CONSENSU
GRATIOSÆ FACULTATIS MEDICÆ,
IN ILLUSTRIS ARGENTORATENSIVM UNIVERSITATE,

AD DIEM XXIX. JANUARIJ, A. R. S. M D C C L V.
HORIS LOCOQUE SOLITIS,

PRO LICENTIA
SUMMOS IN ARTE MEDICA HONORES
PRIVILEGIAQUE DOCTORALIA
RITE CAPESSENDI,
SOLENNI ERUDITORUM EXAMINI SUBMITTIT
JOHANNES NICOLAUS ROSSEL;
MONTISBELIGARDIÆ PRACTICUS.

ARGENTORATI
STANNO PAUSCHINGERIANO.



ARCHIATRO
SUMMO,
PATRONIS SOLIDIS,
AMICIS VERIS,
ÆGRIS PATIENTIBUS,
SACRUM!



— ❧ (3) ❧ —



Q. D. B. V.

*
DISSERTATIO MEDICA INAUGURALIS
DE
O V O,
S E U
PASSIONE GALEATA.
*

§. I.

INter tot, Corpus humanum undique lacef-
fentes, Morbos, nullus tam frequens oc-
currit, tamque familiaris existit, ac CAPITIS
DOLOR *in genere.*

§. II.

Hoc experienciâ quotidianâ ita comprobatur,
ut neminem ferè Morralium reperisse constet,
cui Caput, plus minusve, non doluerit.

A 2

§. III.

§. III.

Onomastologia.

Affectus verò , de quo brevissimè nunc tractaturus , in *specie* rarior est , & OVUM seu PASSIO GALEATA audit, ob dimensionem spatii, quæ , *Galea instar* aut *Ovi testa convexa*, capitis Bregma occupat. *Speciesque est Cephalæ*: [à græco κεφαλή Caput.]

§. IV.

Descriptio.

Est enim OVUM molesta atque dolorifica tensio fibrarum , non *Pericranii* tantùm, sed & maximè *duræ matris* ipsius. Quæ tunicæ sensiles ambæ, vario modo, stringuntur, crispantur, vellicantur, à *Sanguine*, non modò *copia & motu*, sed & *qualitate*, peccante; qui nimirum, per Arterias Carotides varias, hisce membranis, capiosiori satis impetu impellitur: Imò quandoque, eòdem à *sanguine*, largissimè *ibidem stagnante*.

§. V.

Subdivisio.

Passio hæc *vel universalis* existit; cum totam Calvariam ferè involvendo affligit: *Vel particularis*; dum ultra tractum Suturae sagittalis se extendi non patitur: *Vel continua*; dum sine aliquali intermissione, diu noctuque, caput excruciat: *Vel intermittens*; dum post certum quidem tempus, dolor quadantenus remittit, sed, statò deinde tempore rediens, *periodicè quasi* exacerbatur.

PHÆ.

PHÆNOMENA ANTECEDENTIA.

§. VI.

Cause hujus morbi *proëgumena* ex *Rebus* *Cause*
naturalibus videntur accusare 1.) Ætatem, & ju- *proëgumena*,
 venilem, & virilem; tanquam huic affectui
 magis faventem. 2.) Temperamentum sangui-
 neo-cholericum; propter tensionem fibrarum
 Sanguinisque abundantiam innatam.

§. VII.

Ex Rebus non naturalibus *Aër* censetur,
 calore nimium æstuans, validiusque motus;
 qui, dum corpus subit, cum Sanguinis aliorumque
 Succorum particulas subtiliores, Poris patulis
 factis, magnam partem in auram avolare facit,
 ut sic crassiores saltem remaneant, Sanguisque
 & reliqui Succo crassescant, & ita stasibus ac
 obstructionibus ansam suppeditent. Hinc insuper
 idem *Aër*, tanquam Luminis & Soni vehiculum
 censendus; si nimirum, vel nimis lucidus, diu
 oculis excipitur; vel nimis sonorus aut tre-
 mulus, aure exceptus, membranam tympani
 vehementer percutiat.

A 3

§. VIII.

§. VIII.

Vita porro sedentaria, Otium litterarium, Studia nocturna ac Vigiliæ nimia, cum particulis subtilioribus Massam sanguineam depauperent, fibras stringant, cruditatesque cumulent, non minus occasionem addunt. Sola enim intensior Meditatio quatenus intendit Meningum tonum, humorumque remoratur refluxum, hisce κεφαλῆς partibus dolorem non potest non inducere exacerbissimum. Hûc pariter facit Vini nimia potitatio; Sanguinis nimirum orgasmum augendo: Uti & Odores fortiores ac penetrantiores; e. g. Moschi, florum Aurantiorum, Liliorum convallium, Rosarum, Tuberosarum, Mezerai, &c. præsertim in iis, qui Systema nervosum tenuioris ac delicatioris texturæ possident. Item Evacuationum Sanguinis consuetarum & retardatio, & plenaria suppressio; v. g. Narium hæmorrhagia suppressa, Mensium Hæmorrhoidumque fluxus emansi; qui, dum denud erumpunt, rebellem hunc sæpius morbum plenarie solvunt. Adde etiam plagam fortiorem, impetum violentiorem, concussionemque vehementiorem; cujus exemplum, proprio corpore expertum, ad calcem hujus Dissertationis proferam.

PHÆNO-



*

PHÆNOMENA CONSTITUENTIA
ET
CONCOMITANTIA.

§. IX.

Signum Passionis Galeatæ pathognomonicum Signum Pathognomonicum.
est dolor capitis distensivus, vellicatorius ac lancinatorius; qui quandoque periodicus quasi existit, certo nimirum tempore recurrens, & modo recidivationis, typum febrilem efformans: Ratione extensionis verò definitus, tractum istum Suture sagittalis, ceu locum proprium, sibi vindicans.

§. X.

Phænomena quæ conjunguntur *alia* sunt Signa alia.
intolerabilis, tensiva, ac vertiginosa quasi Capitis Debilitas: Quæ sæpè sæpissimè, vesperscente celo, molestior fit; cum pulsu celeriori, siti, calore & agrypnia. Urina insuper, quæ ab initio lixiviosa comparebat, & sine sedimento, aucto morbo, turbulentior fit, cum lateritio ac fati crasso tunc sedimento.

*

PHÆNO-

PHÆNOMENA CONSEQUENTIA.

§ XI.

Prognosis. Circa *Prognosin* notandum venit, quod præfens Capitis affectus minimè destituatur periculo; juxta effatum Senis nostri, HIPPOCRATIS, in *Aphorismor. Sect. VI. Aphor. 51.* ubi expressè dicit: *Quibus sanis dolores derepentè sunt in Capite, & statim muti sunt ac stertunt, intra septem dies pereunt, nisi Febris eos prehenderit.*

§. XII.

Subjctum Morbi. Porro quò inveteratius sit CAPITIS OVUM, eò curatu quoque difficilius; & nil nisi subsecuturæ Phrenitidis, Lethargi, Comatis aut Apoplexiæ metum post se relinquit; ex congectione nimirum, stagnatione, pressione, imò tandem metuendâ extravasatione Sanguinis, ibidem hærentis.

§. XIII.

Hujus denique AFFECTUS GALEATI *Subjctum Speciale* sunt, & Pericranium, & Menin-

Meninges; quatenus, præter naturam, plus quam spasmodicè contrahuntur; Sanguineque nimio distenduntur; aut à Serositate quadam acri, dolorificè, crispantur, irritantur ac arroduntur.

*

T H E R A P I A.

§. XIV.

In Curatione igitur Morbi nostri Galeati *Cura*
Indicationes necessariae hæ sunt!

- 1.) Motum humorum nimium ad Caput revellere, aliorum derivare, atque plenariè discutere.
- 2.) Spasmodorum causam acrem, impingentem ac stimulantem, corrigere & evacuare.
- 3.) Dolores vehementissimos, vellicatorios ac tensivos, mitigare atque sopire.
- 4.) Denique τῆ κεφαλῆ Tonus suum naturalem, vel per convenientia antispasmodica, vel per conducibilia tonica atque nervina, denuò inferre.

B

§. XV.

§. XV.

Indicatio
prima.

Prima igitur *Indicationi* ut satisfiat, è fonte *chirurgico* in auxilium vocanda erit *Venesectio*, *Vesicatoriorumque applicatio* congrua atque repetita; pro scopo scilicet revulsorio.

§. XVI.

Pro scopo deinde derivatorio *Cucurbitula* conducunt; tum sicca, tum cruenta, sive Scarificationibus stipata; toto scilicet Vertici raso, repetita appositione, applicata.

§. XVII.

Nec minus etiam *Emplastrum* quoddam *cephalicum*, toti capiti raso imponendum, magni hic est pretii: v. g.

℞. Emplastr. de Betonic. ℥β.

Aſ. fœtid. zj.

℞o dr. Succin. gr. xij.

Rut. gr. vj.

Lavendul. gr. iij.

Cinnam. gr. j.

M. f. l. a. Emplastrum.

Quod singulo nyctemero detrahendum & abstergendum, imò per aliquot dies continuandum. Huic insuper imponi potest *Sacculus*, ex *Speciebus pro Cucuphis* officinalibus, confectus.

§. XVIII.

§. XVIII.

Tandem magnum nonnunquam auxilium,
hòc in OVO, afferunt *Suppedanea*, plantis pedum
apposita; & ex Fermento, parum Salis, Radice
Pœoniæ, Raphani, Herbâque Rutæ recentis,
parata.

Nucha insuper, Regioque retrò aures,
sequenti *Balsamo nervino* inungi conducet:

℞. 〇〇 N. M. express. ʒjv.
Axung. Castor. ʒj.
〇〇 st. Rut.

Succin. ana. ʒss.
Lavendul. gr. vj.
Ligni Rhod.
Mac. ana gr. ij.

M. d. ad Pyxid. stann.

§. XIX.

Ad materiæ deinde acris, impingentis ac
stimulantis, eliminationem promovendam,
Purgans sequens præscribi poterit:

℞. Rad. Rhabarb. elect.
Fol. Senn. f. stip. ana ʒij.

Infunde per ρ in f. q.

▽ Cichor.

ad extractionem Tincturæ;

Colaturæ ʒijss, deinde adde

Syrup. de Cichor. c. Rhab. ʒj.

M. d. ad ℞. S.

*Medecine, pour prendre le matin, à jeune, & une beure
après un Bouillon sans Sel.*

B 2

§. XX.

§. XX.

*Indicatio
secunda.*

Post factam deinde debitam evacuationem,
secundæ Indicationi inservient *Pilulæ sequentes*,
& corrigentes, & evacuantes :

℞. Mass. Pil. Mastich. ℥j.

Extr. Ellebor. nigr.

Castor. ana gr. v.

Trochisc. Alhandal. gr. j.

Elix. Propr. q. s.

M. .f l. a. Pil. pond. gr. jß.

de ☉. d. ad Scat. S.

*Pillules, pour prendre toutes à la fois, avant de se
coucher.*

§. XXI.

*Indicatio
tertia.*

Quò verò dolor vehementissimus sopiatur,
& Agrypnia succurratur, *tertiam juxta Indi-
cationem*, pro remediis, præsertim nocturnis,
aptè convenient Emulsiones ex Seminibus Car-
dii Mariæ, 4. frigid. major. Papaveris albi,
Violarum aut Pœoniæ, cum Aqua Bëtonicæ,
Verbena, Scordii, Cerasorum nigrorum,
Florum Tilia, Liliorum convallium, aut aliis
quibuscunque, paratæ; additis quandoque Sy-
rupo Capillor. ♀ris, dialthææ Fernelii, Papaveris
albi, &c. Nec non Lumbricis terrestribus præ-
paratis, Succino albo præparato, Lapidibus
Carpionis, Cancrorum, Percarum, Afellis præ-
paratis, Pulvereque epileptico Marchionis, &c.

§. XXII.

§. XXII.

Pro scopo tandem tonico naturali recuperando, modò Nervina, Cephalicaque, modò verò leniora Antispasmodica, erunt præscribenda: Inter qualia eminent Liquor anodynus mineralis HOFFMANNI, Liquor Cornu Cervi succinatus, Tinctura Tonica STAHLII, Oleum animale DIPPELII, Sal volatile oleosum SYLVII, Specificum cephalicum MICHAELIS, Pulvis temperans WEDELII, Pulvis antispasmodicus, Flavedo Corticum Aurantium, Millepedes præparati, Succinum præparatum, Cinnabaris nativa præparata, &c. cum vehiculo quodam cephalico, interdum quandoque propinata.

Indicatio
quarta.

Illorum medicamentorum intervallis, liberallyter hauriendum commendari poterit *Apozema* ex Herba Veronicæ, Herba & Floribus Betonica, Floribus Paralyseos, Visco quercino, Radice Sarsaparilla, & tantillo Ligni Sassafras Seminisque Anisi stellati: Præcipiendo simul, ut, si per horum medicamentorum usum, blanda succederet Diaphoresis, illa minimè impediretur.

B 3

DIÆTA.

DIÆTA.

§. XXIV.

In Dieteticis restat, ut sedulò videntur omnia, quæ ex Rebus nonnaturalibus, tanquam causæ proëgumenæ, supra jam allata sunt.

In Potu & Cibo, frigida præsertim & flatulenta, quæ Ventriculo semper sunt inimica, angue & peste pejus, nullo non tempore sunt vitanda.

Vitus sit tenuis, ex Jusculis chærefoliatis; aut Succo Citri quandoque acidulatis; subindè etiam cum Vitello Ovi recente in illis debitè conquassato; Cremoribusque Hordei tenuibus, &c.

Conclave Egrotantis jugiter sit obscurum ac tenebricosum; altum undique apud illum regnet silentium. *Situs* etiam illius *in lecto* altior

altior fit consuetô ; *Colli* insuper ne minimam
unquam stricturam, sed uberrimam laxitatem,
imperando ; *Secretiones*que ac *Excretiones* natu-
rales debite , & quantum licet, promovendo.

Vinum penitus exulet ; ejus autem in loco
Aquis salubrioribus aut *Acidulis lenioribus* uti
poterit *Æger*.

T A N T U M.



CASUS,

alio in confidio; Ceteri in super ne minime
quodam fructum sed in certum laxitatem
impetando; Quodammodo ac Excretionem natu

C A S U S.

* * *

*Ante quindecim fortè annos, cum ipse
Studio medico Tubingæ operam da-
rem, circa vesperam, certa cujusdam
diei, mihi praterenti, è fenestrâ quartâ
contignationis domûs Claustrî vicinâ,
decidebat vas fictile quoddam terrâ uber-
rimâ repletum, immediatè in Caput,
tanto quidem impetu, ut me non modò
fulgure percussum, sed Claustro ipso
collabente obrutum, crediderim.*

*Accessere statim Tinnitus Aurium,
Oculorum Obnubilatio & Stupor.*

Ad

Ad mentem revocatus, passus aliquot tentare volens, pedibus renitentibus, humi prostratus vomere cogebatur; Et paulo post dolore atrocissimo, circa os sacrum, cum motibus variis spasmodicis corripiebar.

Nil extus cernebatur, nec Vulnus, nec Contusio, nec Impressio, nec aliud quidquam.

Saphanà pedis dextri, jussu Præceptoris mei colendissimi, vñ év aýlois, D. D. MAUCHARTI, sectâ; ac propinatis mihi Emulsionibus, ex Seminibus quatuor frigidis majoribus; Potiunculisque variis absorbentibus, nervinis Et antispasmodicis; omnia ferè graviora, post aliquot septimanas, evanüere symptomata. Restitabat verò mihi aliqualis Capitis Dolor, qui, Tiaræ minus profunda instar, ex linteo madefacto confecta, verticem tantum obtigebat; Et singulo manè, ab
C horâ

horâ decimâ usque ad tertiam p̄meridia-
nam, misellum Caput meum periodicè
excruciabat, donec post reditum in patriam
Aquâ (*) sani fontis, [ut vocant] bihorio
ab urbe Montisbeligardensium distantis,
Virriolo Martis impragnatâ, usus fue-
rim. Quæ cura adeo feliciter erat su-
scepta, ut ab eo tempore OVUM de
Medico ovare desierit.

(*) Hujus Fontis, ad pagum Lougres siti Historiam
& virtutes scripsit celeberr. JOHANNES BAUHINUS,
Serenissimi Ducis Wûrtembergici Archiater, &c.
in Tractatu peculiari gallico.

Τῷ Θεῷ

τρισαγίῳ καὶ τρισμεγίστῳ

Δόξῃ.



*

VOUS manquez, MONSIEUR! de subir

La Mort, d'un *Mal de Tête* :

Mais Vôtre Art la fait fuir,

Et bâtre la Rétraite.

Le Montbeliard louë les Talents

De Vôtre grande Science!

Et *Strasbourg* VOUS donne maintenant,

Comme *Docteur*, la *Licence*.

Strasbourg,
le 24. Janv. 1755.

MONSIEUR,
en lisant ces peu de mots,
resouvenez - vous
de Vôtre

très fidele & sincere Ami,

GEORGE HENRI BEHR,

Docteur en Medecine de Strasbourg,

Conseiller aulique & premier Medecin

de S. A. S. Mgr. le Prince de Hohenlohe - Pfedelbac,

&

Membre de diverses Societés des Sciences.

* * *

*



Freund ! Wie lauft die Zeit herum ? Denke : Wie vor fünfzehn
Jahren

Wir schon, aus gerechtem Trieb, zu Tübingen, Freunde waren !

Wie uns **Mauchart** dort belehret, wie uns **Hoffmann** unterwies,
Und wie jeder, von uns beyden, gute Hoffnung blicken ließ !

Sachsen bahnte mir die Bahn, kurz darauf, zu Phöbus = Ehren ;
Und Du liest zu Mümpelgard Deinen Wisz indessen hören.

Doch der Trieb zu höhern Stufen, führt dich lest nach
Straßburg hin ;

Wo ich, als ein **Martis**-Diener, gleichfalls angekommen bin.

Da steht Pallas nun bereit, Dich, nach Würden, zu belohnen,
Und **Hvgaa** flechtet Dir, wirklich schon die Ehren-Kronen.

Wohl demnach ! Empfang' den Lorber ! Welchen Du schon längst
verdient,

Ob er gleich, nach späten Zeiten, erst um Deine Schläfe grünt.

Straßburg,
den 24. Jenner, 1755.

Seinem Hochgeschätzten Freund
zu beständigem Andenken
setzte dieses

Georg Friderich Faber,

der Arzney-Gelahrheit Doctor,

und

ehemaliger Hauptmann des Königl. Franz. Regim. von Sisebon
Opponents.

VD 18


ULB Halle

3

007 470 061







B.I.G.

Farbkarte #13

Ἐὐὐ Θεῶν.

RTATIO MEDICA INAUGURALIS
DE

D V O,
SEU
IONE GALEATA,
CEPHALÆ SPECIE.

QUAM
ICE ARCHIATRO SUMMO,
TORITATE ET CONSENSU
OSÆ FACULTATIS MEDICÆ,
I ARGENTORATIENSIVM UNIVERSITATE,

XXIX. JANUARI, A. R. S. M D C C L F.
HORIS LOCOQUE SOLITIS,

O LICENTIA
IN ARTE MEDICA HONORES
VILEGIAQUE DOCTORALIA
RITE CAPESSENDI,
ERUDITORUM EXAMINI SUBMITTIT
NES NICOLAUS ROSSEL;
ONTISBELIGARDIÆ PRACTICUS.

ARGENTORATI
NNO PAUSCHINGERIANO.